

長文襄公自定年譜

懋亨自定年譜

長齡姓薩爾圖克字修圃號懋亨正白旗蒙古
先世居科爾沁地方

始祖諱哈達鼐

國初隸入正藍旗

高祖諱阿哈圖

伯高祖諱阿哈尼堪往寧遠取信有功

賞騎都尉世職洊加輕車都尉

曾祖諱瓦爾達

祖諱鐵圖原任理藩院郎中

父諱納延泰原任經筵講官太子少保議

政大臣理藩院尚書鑲藍旗蒙古都統

國史有傳乾隆十二年奉

旨先前下五旗大臣官員有竭力巴結優長者特恩抬
入上三旗旗分理藩院尚書納延泰盡力年久著將
納延泰之伯曾祖阿哈尼堪親曾祖阿哈圖二支子
孫十六人抬於正白旗蒙古旗分等因欽此世遂爲
正白旗人道光八年余以督兵回疆歲事封威

勇公

晉贈三世如余官

曾祖妣那拉氏

祖妣瓜爾佳氏

妣那拉氏

妣戴氏均

晉贈一品公太夫人

乾隆二十三年戊寅

十一月十八日辰時

戴太夫人生余

是年

先宮保公春秋六十五歲任 經筵講官 太

子少保議政大臣理藩院尚書鑲藍旗蒙古都

統

戴太夫人春秋四十一歲

兄勤襄公

諱

惠齡年十六歲充繙書房繙譯官

二十四年己卯二歲

是年

王師平定回部

二十五年庚辰三歲

二十六年辛巳四歲

是年

兄勤襄公補戶部筆帖式

二十七年壬午五歲

是年正月

先宮保公患病蒙

遣醫診視

賞人參一觔於十六日薨

恩賞銀五百兩治喪 兄勤襄公奉

旨以部院主事用

二十八年癸未六歲

入家塾

二十九年甲申七歲

三十年乙酉八歲

三十一年丙戌九歲

是年

兄勤襄公在軍機處行走

三十二年丁亥十歲

三十三年戊子十一歲

是年

兄勤襄公補戶部主事

三十四年己丑十二歲

三十五年庚寅十三歲

誦清書

是年

兄勤襄公陞戸部員外郎在奏事處行走

三十六年辛卯十四歲

三十七年壬辰十五歲

是年

兄勤襄公兼公中佐領

三十八年癸巳十六歲

考入繙譯生員

三十九年甲午十七歲

是年

兄勤襄公因太監高雲從洩漏記載案內革職
在粘竿處拜唐阿上行走

四十年乙未十八歲

以筆帖式籤分工部學習在軍機處行走
是年

兄勤襄公補戶部主事尋

賞副都統銜授青海辦事大臣

四十一年丙申十九歲

承辦清字經館書成議敘

卷一
是年

夫人汪嘉氏來歸原任湖廣總督謚勤恪海公
明第四女時年十九歲

四十二年丁酉二十歲

六月奏調理藩院行走補授筆帖式實缺
是年

兄勤襄公以副都統銜補授伊犁領隊大臣
四十三年戊戌二十一歲

十月題署主事

是年

兄勤襄公補授工部右侍郎兼正白旗漢軍副都統尋調吏部右侍郎

四十四年己亥二十二歲

四十五年庚子二十三歲

是年

兄勤襄公調補鑲藍旗滿洲副都統旋授塔爾巴哈臺叅贊大臣

四十六年辛丑二十四歲

十月補授主事實缺

四十七年壬寅二十五歲

四十八年癸卯二十六歲

京察一等

四十九年甲辰二十七歲

五月隨誠謀英勇公阿公桂出師甘肅勦洗底

店逆回肅清列爲頭等議敘七月勦滅石峰堡
賊巢首逆張阿渾大通阿渾及賊目楊填四等
悉數生擒奉

旨交部議敘八月旋京陞理藩院員外郎

五十年乙巳二十八歲

是年

兄勤襄公回京

五十一年丙午二十九歲

京察一等

是年

兄勤襄公署正藍旗滿洲都統

五十二年丁未三十歲

七月隨將軍嘉勇公福公康安出師臺灣十月

二十八日申刻自廈門放洋二十九日抵鹿仔
港十一月初八日寅刻進兵二十一日收復斗
六門嘉義縣解圍列爲頭等議敘二十五日攻
克大里杙賊巢

賞戴花翎十二月初四日由平林子進兵十八日攻克
小半天山

是年

兄勤襄公兼管太常寺事務

五十三年戊申三十一歲

正月初四日在老衢畸地方拏獲首逆林爽文
列爲頭等議敘二月初五日在樹林山擒獲首
逆莊大田大功奏凱列爲頭等議敘五月初九
日由鹿耳門登舟十四日由廈門港登岸八月
旋京

是年

兄勤襄公署河南巡撫旋授湖北巡撫
正月初六日子桂翰生

五十四年己酉三十二歲

京察一等

五十五年庚戌三十三歲

承辦

萬壽慶典告成議敘

是年

兄勤襄公調山東巡撫

五十六年辛亥三十四歲

承辦清字經館書竣議敘

八月廓爾喀滋擾後藏隨將軍嘉勇公福公康

安督師勦辦

賞銀一百兩十月二十九日啟行

是年

兄勤襄公擢四川總督

命卽馳驛赴西藏作爲叅贊大臣會勦廓爾喀督理糧
運

五十七年壬子三十五歲

京察一等

正月二十一日抵前藏二月二十七日抵後藏
五月初六日由擦木進兵七月攻克噶勒拉堆
補木等處木城石卡及帕朗古大橋將軍嘉勇

公福公康安保奏奉

旨長齡隨營辦理一切文案實屬奮勉著以郎中補用
欽此並

賞小刀翎管旋據廓爾喀大頭目拉特納巴都爾震懼
兵威屢差頭目赴營投誠表進方物並備象隻

馬匹樂工經將軍嘉勇公福公康安奏入得

旨受降凱旋八月二十一日自帕朗古起程九月初五日過濟隴回至西藏辦善後事宜

是年

兄勤襄公留藏籌辦善後事宜

五十八年癸丑三十六歲

九月回京補行引

見補授理藩院郎中

是年

兄勤襄公以平定廓爾喀繪像

紫光閣補授山東巡撫調湖北巡撫

五十九年甲寅三十七歲

正月補授內閣侍讀學士充

玉牒館提調官

是年

兄勤襄公調安徽巡撫

六十年乙卯三十八歲

是年

兄勤襄公補授戶部左侍郎兼正黃旗滿洲副

都統仍留湖北協辦糧餉旋赴枝江宜都剿辦
教匪

嘉慶元年丙辰三十九歲

覃恩給子桂輪八品廕生

是年

兄勤襄公擒賊目張文宗等掃蕩灌灣腦賊巢
移師赴涼山剿賊加太子少保銜署工部尙書
子二等輕車都尉世職九月奏克獅子山小涼山賊卡
十一月掃蕩涼山賊巢擒賊首覃士潮等宜都

枝江二縣賴以廓清又移師滋邱黃柏山剿賊
奉

上諭惠齡調度有方所辦實屬可嘉著賞給金盒一箇
大小荷包惠齡之母年老在京居住本日報到時特
傳伊弟長齡令其將惠齡此次剿賊打仗得勝情形
及朕加恩之處告知伊母俾高年聞之益深喜慰至
惠齡之母精神增健並著諭知惠齡令其專心辦賊
不必分念以示體卹優眷至意欽此旋值

戴太夫人八旬生辰

賞淑慎介社匾

二年丁巳四十歲

是年

兄勤襄公擒賊首聶傑人劉起榮解京又敗賊
於曾家店又於鄭家河擒賊目陳谷保並姚裕
等

賞戴雙眼花翎三月擢理藩院尙書兼鑲白旗蒙古都
統五月以首逆尙有羅其清日久未獲革去官
銜世職雙眼花翎授爲領隊大臣十月敗賊於

小豐堦防堵嚴緊賊匪不能偷渡漢江

賞還雙眼花翎

三年戊午四十一歲

十月初一日

戴太夫人卒

是年

兄勤襄公於官山擒羅其清及逆弟其書解京
四年己未四十二歲

恭辦

玉牒告成議敘

五月十八日奉

旨賞給副都統銜署理鑲黃旗滿洲副都統

二十三日補授鑲白旗蒙古副都統管理火器
營事務

二十五日調補鑲白旗漢軍副都統

六月初二日奉

旨補授新設京營右翼總兵

是年

兄勤襄公於通江蘇壩寨擒逆匪老教師冉文
儔戮之

予一等輕車都尉世職嗣以守制回旗補授兵部右侍
郎鑲藍旗蒙古副都統

五年庚申四十三歲

七月十一日奉

上諭長齡著授爲領隊大臣統領吉林黑龍江官兵前
往湖北等處勦辦教匪欽此十九日自京起程八月
初五日遵

旨任衛輝等候後起官兵到齊帶赴大營初九日率領
前進因接准河南巡撫吳公熊光奏請官兵赴
楚之信卽在陝州暫住二十二日奉

旨長齡卽帶兵由洛陽取道楚省前赴鄖陽一路遇探
賊蹤相機截剿等因欽此二十三日啟程帶兵七百
名赴楚

九月十二日具

奏由襄陽行次栗溪探知賊匪全數往西南逃竄
卽帶兵由南漳之五盤山長坪雙柏埡兼程前

進拏獲由賊內逃出之民人張廷弼等訊稱賊
匪四股綠白二號是大掌櫃樊人傑徐萬富管
領黃白二號是兩箇四川人姓王的管領不知
其名

二十一日接據陝信西鄉紫陽賊匪分竄情形
奏請由保康屬之前坪歸入房山大道由二竹馳
赴陝西紫陽勦辦二十八日行抵竹谿由西北
關垵入洵陽董家梁一帶堵截改由小路催趲
兩粵官兵疾馳行走

十月初三日洵陽赤巖坪具

奏

臣

於初二日未刻抵竹山之界嶺探得此股大
掌櫃是高二馬五屯聚王家坪一帶焚掠當派
官兵三路並進賊匪不知官兵突至紛據山梁
抗拒卽催令中路官兵繞上正西山梁奮勇撲
衝立斃二百餘人有北面山梁賊匪分股抄襲
後路卽派叅將海麟等率領步兵遠用大礮近
放聯環槍箭並發殲斃七八十人適左右兩路
馬隊亦已抄上山梁直往下壓乘勢追殺二十

餘里殲斃三百餘人生擒一百餘名奉

硃批欣慰覽之又奉

上諭著交部議敘所有高二馬五一股賊匪卽責成長
齡帶同勝兵併力勦辦朕必立加重恩總於勇往之
中又加之慎重成功欲速而又不可遺漏勉之等因
欽此

初十日瑪瑙溝具

奏

臣

於初八日抵鮑家店探知賊匪在大坪一帶

焚掠於初九日五鼓率領官兵迎勦該匪率衆

抗拒漫山遍野臣帶兵分爲四隊各佔山梁巖
諭不許擅動相持二時之久匪衆漸有懈意卽
督兵分投衝壓馬兵抄至賊後奮勇攻擊立斃
一百餘人馬步並進槍礮圍剿殺斃四百餘人
生擒七十餘名追殺三十餘里滾巖跌斃者不
計其數奉

上諭所辦甚好連獲勝仗軍威已振殊屬可嘉賞給烏
雲豹馬褂一件大小荷包一對用示獎勵長齡務將
此股賊匪殲洗淨盡不留遺孽倍加奮勉剋期奏績

以副委任等因欽此

十四日竹山桃園具

奏臣於十二日由陳家庄葛藤垭一帶察看匪徒

屯聚之區俱係深林窄徑並將道路挖斷間有不能行馬之處該匪見有官兵或分或合盡據陡坎拋擲石塊使我兵無從着力隨派吉林馬兵分爲二隊黑龍江官兵分爲三隊兩粵官兵分爲二隊共分七路臣率侍衛尼瑪善知府周季堂等分投接應繞覓小徑逐漸圍裹該匪拚

命抗拒勢極兇悍相持三時之久經兵勇施放
槍箭及礮轟斃三百餘人見有手執大白旗者
尤爲勇捷於山之深溝撲我馬隊臣率兵直前
衝殺奮勇迎擊立斃二百餘人追擊八十餘里
沿途俘戮三百餘人時已昏暮鍋帳本未隨帶
卽於露處憩息復於五鼓率兵進追該匪由藍
峪河直竄鄧家河一日夜奔一百五十餘里臣
蹕覓抄徑由桃園一帶兜截夾擊斬獲五百餘
名生擒僞先鋒鄒順賊目楊大順王興等一百

餘名奉

硃批欣慰覽之又奉

上諭寶屬奮勇可嘉著賞給白玉喜字牌一件四喜玉
搬指一箇黃瓣大荷包一對小荷包二箇趁此兵威
勝勢將高馬二逆殲除再當加以恩獎等因欽此

十九日東西壩具

奏

臣

繞出界嶺於十九日趕至白河之東西壩該

匪佔據險窄山梁並於樹林房屋內埋伏抗拒

臣

當派步兵分投迎擊另派黑龍江馬隊由旁

路繞出賊匪之後臣帶領侍衛特依順保等率
兵從山溝內抄向賊匪之前該匪分投下壓亂
石如雨我兵奮勇搶上山梁立時殺斃執旗賊
目一人賊匪七八十人餘匪退避山後我兵或
擊其前或斷其後或從中下壓槍箭並發約斃
三百餘人生擒活賊矛手七十餘名

十月二十七日奉到

諭旨湖北宜昌鎮總兵員缺著長齡調補等因欽此
十一月十五日房縣柏木坪會

奏

臣

於初十日至白土關面奉經畧額勒登保令

往竹谿原帶官兵除額勒登保調撥留防外

臣

帶領馬隊三百名與明亮歸併一路十五日率

兵疾走趕至柏木坪正值該匪肆行焚掠

臣

與

明亮商派馬隊分爲四路由山溝蹣探前進又

派步兵搶上山梁覓徑搜捕

臣

會同明亮分路

繞進數路壓擊立斃精壯矛手一百餘人生擒

吳登科等二十一名該匪俱向老林深竄復派

兵勇尋蹤追擊殺斃四五十人奉

殊批勉之欽此

二十四日東湖縣黑石坪會

奏臣於十九日至興保交界之侯家坪與倭什布

會合二十二日趕至符家坪二十三日五鼓集
兵進發山峽甚窄辰刻抵廟垭見有瞭探賊匪
扼住垭口當派兵勇迎前仰攻立斃四十餘人
我兵搶上緊向下壓追至陳家坪又有賊匪三
四百名吶喊抗拒臣同明亮孫清元率兵連進
賊匪向交戰垭奔逃正在追擊又見山垭伏賊

一千餘名突行衝出該處路通一線兩面石壁
極爲陡險臣等商令將官兵撤出垵口孫清元
帶兵由左進攻明亮帶兵由右進攻臣率兵從
中分兩路進擊正當各隊搶至半山該匪分投
下壓自辰至未官兵槍箭並進大礮轟擊仰攻
直上立斃一百餘人生擒任光萬楊上年等一
百五十名趕殺二十餘里搶獲鳥槍長矛大礮
旗幟騾馬甚多奉

硃批覽奏稍慰欽此

十二月初五日房縣秦口會

奏

臣

於本月初三日馳抵房縣馬欄口初五日由

獅子巖迎頭截勦行抵蒙古寺有瞭探馬步賊
匪四百餘名見有官兵折回奔逃恐其設伏誘
敵當令馬隊分爲三路各自驪覓進勦行不數
里各山埡賊匪紛紛突出抗拒臣督兵奮勇立
斃一百餘人衆匪毫無退怯前後左右蜂擁衝
突極爲兇悍正在相持之際明亮從賊後抄至
孫清元從左山梁下壓馬隊衝擊槍箭並發立

斃二百餘人兵勇圍剿復斃三百餘人生擒活
賊王楊張尙力花開盛楊見周等七十餘名追
殺四十餘里直抵秦口截回青號黃號大股賊
匪不使下竄

十七日竹谿雙竹關會

奏

臣

於初七日行抵三教堂查徐添德爲著名首

逆兼有高二合夥探得青號一股向泉溪行走
黃號一股向柏溪行走藍號一股向火燒坪行
走臣等熟商將官兵均勻調撥十六日抵太平

關卽聞槍礮之聲料係孫清元兵勇接仗

臣等

疾馳至瓦房口

臣

督兵於左邊山梁仰攻明亮

搶右邊山梁仰攻立斃二百餘人節次俱有賊

匪埋伏接應

臣

等遠用大礮轟擊復斃四百餘

人該匪由西折回北竄

臣

等兩路夾擊復斃四

百餘人生擒王世貴等六十一名自五鼓進剿

馳逐數十重山梁追殺六十餘里奉

硃批欣慰覽之又奉

上諭當此嚴冬歲暮陟歷冰雪均屬奮勇出力長齡著

賞給黃辦大荷包一對小荷包二箇鑲瑪瑙方盒一箇並交部議敘等因欽此

二十三日界嶺會

奏臣與明亮緊躡高二及黃號一股賊匪二十一

日申刻至陝楚交界之大花園地方帶領兵勇攀藤附葛越山下壓該匪抗拒我兵槍斃箭射刀砍矛戳立斃四百餘人追殺幾滿溝壑生擒閭理元等一百三十名奉

硃批可嘉之至又奉

上諭覽奏欣慰新正元旦又據長齡奏得勝仗疊獲喜
音事機極爲順利長齡係湖北總兵仍當兼顧楚境
不可隨賊所向儘力跟追不妨酌量情形勦辦撲楚
之賊務期廓清逃匪迅奏捷音再回駐楚省邊界以
資防堵等因欽此

是年

兄勤襄公署兵部尙書復授山東巡撫

六年辛酉四十四歲

正月十二日會

奏元旦四鼓由竹山之保豐田家壩等處進兵初
五日抵房縣由獅子巖一帶兜截羣山合沓窄
不容趾雪化泥深官兵援臂攀涉分隊趕至白
玉坪賊匪早佔山勢吶喊抗拒我兵奮勇立斃
執旗馬賊一人步賊二百餘人遂令東三省勁
旅抄上山梁再往下壓又斃一百餘人儘力追
殺復斃二百餘人生擒熊壽昌等三十五名跟
追四十餘里直至土地嶺合圍搜剿奉

殊批如此忠勇必能成功勉之欽此

二十三日會

奏臣等自郭家洲渡河至黃沙河四面圍攻臣率

兵由左手山梁抄擊明亮率兵由右手山梁抄擊立斃二百餘人當卽鼓勵兵勇分投搜捕擒獲黃得貴等八名趕抵水坪道路平坦馬隊急先馳射約斃二百餘人生擒錢富有等十三名卽由椒嶺岡一帶隨探隨勦並抽撥兵勇保護竹谿縣治

二十五日會

奏臣偕明亮於二十四日行抵燕子溝我兵奮勇疾趨下壓由周家灣追至大廟殲斃二百餘人擒獲張貴等二十四名

二月初一日房縣姚家坪會

奏臣馳抵房縣之化龍堰四面皆山遙望獅子巖賊匪蜂屯蟻聚我兵分爲四路槍箭齊發立斃三百餘人及至山坳臣與明亮分爲兩翼親率仰攻衝開賊隊佔住山梁約斃二百餘人生擒朱振龍等四百八十四名槍斃僞總兵卜興昂

割獲僞先鋒魏鍾鈞首級一顆奉

上諭所辦甚好長齡著交部議敘等因欽此

十二日會

奏初二日行次八道河探得賊匪已在高尖山四
出焚掠當晚抽撥官兵放哨並於山溝內令兵
勇埋伏三更時賊匪膽敢撲營經放哨官兵立
時擊追黎明察看各處約斃一百餘人擒獲鄭
貴等二十四名隨又尋蹤跟追搜獲王世福等
十七名趕至山窩續擒二百餘名復督兵繞近

觀音堂天色將晚槍礮轟擊又斃四百餘人逼
向西南又斃賊三百餘人生擒胡思紅等六十
五名谷城襄陽等縣得以保全奉

上諭所辦甚好長齡著交部議敘等因欽此

二十五日軍馬舖會

奏

臣等趕至南漳據楊柳寨首領差報賊匪攻撲

危急當派侍衛雙福等帶領馬步隊進剿正在
相持之際臣等督兵趕到槍斃賊目一人我兵
冒雨追過六道山梁一路截戮二百餘人活擒

李貴等二十一名

三月初二日會

奏

臣

等從楊坪前進由大樹埡鮑子洞冒雨行抵

店子埡擒獲哨探賊匪訊知徐逆等均在尹家

坪水月寺一帶屯聚

臣

帶領官兵直撲中路明

亮帶領兵勇繞前山口埋伏雨勢漸小分投競

進立斃二百餘人追殺二十餘里賊夥吶喊衝

撲

臣

等親率馬隊衝擊復斃三百餘人賊夥大

隊奔及山口經埋伏官兵突出立斃一百七八

十人分投緊追復斃一百餘人活擒老教首黃正魁等一百八十三名

十三日房縣羊叉河會

奏臣偕明亮帶兵至復坪大坪探知賊匪尙在該

處屯紮當派兵勇埋伏山坳安排槍礮令鄉勇等佯作奔逃誘匪追至伏兵齊發立斃一百餘人奉

上諭所辦俱好長齡著交部議敘並賞給鑲玉帶頭一塊嵌玉搬指一箇大荷包一對小花包一對欽此

十九日准大學士湖廣總督書公麟移知欽奉

上諭新設湖北提督駐劄襄陽長齡現在湖北帶兵勦賊屢獲勝仗頗爲奮勇卽著長齡陞補欽此具摺謝恩奉

硃批汝若不格外奮勉非納延泰之子矣一切小心加意迅速成功爲要欽此

同日會

奏臣等由八卦廟取道紅坪十七日行至七里壩該處兩山陡立一線羊腸險阻萬狀至譚家坡

遙見賊匪節節分踞

臣

帶步兵潛赴左手林內

繞出賊後明亮帶步兵密由右手林內抄至賊後以放槍爲號官兵攀藤覓路將過賊巢齊聲吶喊隨勢剿殺約有一百二十餘里生擒七十三名次日仍帶兵前進愈入愈險橫木塞道兼之泥深過膝據本地寨首稱此路老山賊不能來復據把總閃其貴稟稱修路至小天池寺淤泥愈深且有深溝不能開出道路之處隨於十七日移由灣腰樹西行

四月初七日具

奏臣帶兵至紫竹地方正遇賊衆蜂擁而來官兵

突出迎頭勦擊殲斃二百四十五人賊敗走灣腰樹又殺百餘人生擒向大等三十二名

初十日具

奏接准叅贊德楞泰知會督臣書麟患病沉重

卽趕赴房縣接辦軍務奉

上諭湖廣總督事務卽著長齡暫行署理在任內一日卽有一日責任務將軍火糧餉接濟等因欽此

十四日具

奏有不知姓名股匪從陝省洵陽大小神河竄入

竹山竹谿之縣河舖麻家渡一帶滋擾

臣帶領

馬隊兵勇星馳前進趕緊截堵奉

上諭所辦尙是一得捷音速行馳奏以慰廑注等因欽此

五月初二日房縣具

奏查黃白二號賊匪張萬林王國賢等東竄鮑家

店

臣

督兵進至太平寨追至檀口分道抄截立

斃一百餘人追殺三十餘里至趙家河一路殲
斃三百餘人生擒二百二十八名奪獲大旗三
桿上書張萬林字樣一面飛咨孫清元等互相
通勦並將官兵伏藏山坳四更時發兵翻過兩
重大山乘其不備齊聲下壓中間地勢稍平馬
隊馳射衝殺共斃三百餘人生擒一百六十四
名臣趕至楊家店將官兵暫交孫清元等分兩
路向西南追擊卽行輕裝減從於初二日遵

旨回至房縣接印任事奉

上諭所辦尙好等因欽此

初六日輕騎馳赴邊卡與孫清元等籌商剿辦事宜

初十日益水軍營具

奏臣由馬鹿山馳至水坪督同孫清元追賊至秦

家坪立斃一百餘人復率馬隊加緊馳射沿途殲斃二百餘人生擒王元李太等一百八十餘名卽馳向王家山一帶搜捕再本日接新授督臣吳熊光來信已抵襄陽卽將總督關防派員

齋往交受

十四日周家灣會

奏十一日早明亮趕至秦家坪正遇冉逆竄出督

兵接仗匪衆推滾木石勢甚兇悍

臣

趕從山後

暗上直攻賊背並飭德昌帶領員弁從上下壓

奮力夾剿立斃四百餘人賊股亂竄山溝並飭

兵分投邀截生擒張鳳輝等三十七名現在帶

兵從吉陽關等處遏截務令冉逆不敢折回奉

上諭此係保全長齡明亮之功俟賊平後再施厚澤欽

此

二十一日具

奏連日搜捕北路落後餘匪并分兵趕赴房屬迎
勦南面竄匪奉

上諭設法轟出楚境此爲最要等因欽此

同日

奏謝領到端陽分

賞香袋扇套等件

三十日房縣會

奏臣帶領現到馬步官兵由上達河趕赴上龕追

剿賊匪志在北突由青峰溝蜂擁迎撲當卽派
兵分佔三面山梁兜擊立斃一百餘人二十四
日川匪續至臣隨剿隨進直至花家埡地方復
斃一百餘人生擒廖夫雲秦景春等十一名截
其北竄之路復扼要分堵自東北竭力向西南
遏擊奉

上諭所辦甚是等因欽此

六月初二日統兵至五臺山遇賊探馬數十匹

馬隊槍箭迎擊斃賊九人當夜仍折回歐家店
兜剿於垵口安設大礮轟打斃賊五十餘人初
六日由鄭家坪進發將至黃土坡伏賊千餘名
從林中突出馬隊奮射遂將賊隊截斷並箭傷
執旗賊目斃賊五百餘人奪獲大小旗有寫苟
帥字樣

初七日具

奏由劉家灣抵老林山脚用大礮遙轟並於無人
處所多懸旗幟作爲疑兵愈逼愈進三更時賊

匪突撲營盤直至壕外當經勦斃五十餘人干
總張代鳳等越壕手及數人另有馬賊自後撲
上當用連環排槍擊墜當先二賊衆賊趕上搶
負兵丁鄧明直前奪回一賊天色漸明分隊追
勦約斃二百餘人生擒曾正修一名供認槍傷
之賊係白號僞總兵彭良材其受傷搶回者係
黃號頭目張萬林十三日抵六子坡地方賊正
由老林斜出馬隊進擊立斃三百餘人趕至偏
嘴山復有賊隊從山梁下壓飛石如雨把總洪

登科等仰攻斃賊十餘人併力搶上山梁壓過
山背生擒全有德等五十餘人奉

上諭所辦俱好長齡屢次痛殲賊衆尤爲奮勇出力著
交部議敘並賞給四喜玉搬指一箇瑱瑯帶版一副
黃辮大荷包一對小荷包二箇欽此

二十四日具

奏由仙家坪進擊槍斃騎馬賊探十一人遏住竄
匪

七月初五日具

奏抽帶馬隊由廟坪扁担溝一帶進剿賊竄老林
率兵轟擊約斃二百餘人生擒張盛遠等十二
名在豐溪一帶守禦

二十五日具

奏帶兵趕至竹山北界吉陽關追賊至羅家廟與
穆克登布會合夾擊殲擒賊匪三百餘人現領
兵往來查察以爲三路策應

八月初八日具

奏據探王山一股復繞竹谿盧溝當派官兵乘夜

往撲賊營拋擲火彈斃賊七十餘人隨分三路
前進復斃三百餘人生擒劉維定等五十四名
正在分置隘卡行次泉溪復有賊股稱係辛逆
及崔胡股匪會合當卽率德昌分路包北面兜
截

九月初七日會

奏辛逆曾王等股在房縣興山一帶邊界分路逃
竄_臣帶兵由泉溪唐家坪緊追連日搜殺三四
十名至六七十名不等該匪分走康喜坡沿路

跳巖落澗死者甚多生擒首逆崔宗和之姪崔連兒及僞總兵王冠軍奉

上諭所辦尙好欽此

二十五日具

奏由保康一路搜山自東向西率兵兜勦該匪不能下竄

十月十二日

奏謝領到

御製河決歎墨刻一分

同日具

奏龍八陳士學一股折竄東南帶兵在高洶河獅子巖等處攔剿沿途俱有殲獲

十一月初一日房縣獅子巖會

奏曾之秀一股會合王四猫夥衆折至房屬之舉

人坪游奕竄至古廟垵臣率兵迎擊在二層巖

地方接仗殲斃五十餘人擒獲十二名追至宋洛河遙見後隊賊來接應儘力勦殺又斃三十餘人該匪向八卦廟南遁因派官兵兜截共殺

零匪百餘人又僞總兵劉朝福一股竄入學堂
溝官兵連夜馳抵連湖坪一擁而進追殺二十
餘里復斃二百餘人生擒彭得貴等三十七名
十五日會

奏臣由柏木坪向西進剿適賊匪東竄當卽趕抵
八卦廟迎頭接仗殲斃四百餘人生擒僞軍師
鄭三元僞元帥褚貴王之遠鄧彬等多名奉

上諭所辦尙好長齡著交部議敘並賞給四喜玉搬指
一箇大荷包一對小荷包四箇欽此

十二月十八日會

奏探得青藍等號餘匪竄至廣龍灘經德昌等由
西追勦前來臣率兵迎頭截擊殲斃五十餘人
該匪鑽入深林復用槍礮轟出斬戮三十餘人
生擒黃玉賢等四十八名

是年

兄勤襄公擢陝甘總督專辦南山餘匪

七年壬戌四十五歲

正月初四日會

奏臣由中路突入搜捕賊匪正在摩天嶺鋸厥一

帶希圖掠食官兵連夜自後山衝下立斃一百
餘人生擒僞元帥周本善等三十九名奉

硃批所辦好欽此

同日

奏謝領到

恩賞福字並鹿肉山雞各品大小荷包銀錢銀鏢等件

二十八日會

奏臣率兵抄至沂浴河乘夜趕至紅巖溝適賊匪

屯聚民房官兵拋擲火彈一擁而進立斃五六
十名餘衆鑽入草內放火燒死三十餘人內有
一賊頭裹白布經麻光裕擒獲訊係首逆張允
壽之子張得貴復分投搜捕四十三名搶獲旗
幟騾馬槍矛甚多將此股青號賊殲洗淨盡奉
上諭所辦甚好長齡著交部議敘並賞大荷包一對小
荷包二箇四喜玉搬指一箇定眼罩袋一箇欽此

二月十三日會

奏臣探知賊匪在高良坪屯紮連夜進兵四鼓行

抵該處月色微明先將瞭哨之賊殺斃一擁而進賊衆慌亂有赤身跳出者有持矛挺殺者均卽立時戳死有從屋內十數人持矛擁護一大胖子衝出經李貴一箭射倒爲衆兵砍斃又有賊上房招集矛手經槍兵登時打死比及山埡天色黎明督率馬隊盡力追趕共斃二百五十餘人前後撿活賊七十九名訊知已死大胖子是戴四掌櫃的軍師名叫楊茂林被槍擊斃是尙三掌櫃

二十九日會

奏

臣

緊躡賊後追至青峯趕抵東浪賊匪正欲起

營據險擲石抗拒兵勇奮力仰攻槍斃二十餘

人

臣

親率馬隊馳擊矢發如雨賊匪應弦而倒

者三十餘人並射中肩甲落馬執旗賊一人乘

勢擁上山梁斃賊六七十人壓過三重山坡追

殺二十餘里又斃賊一百餘人生擒楊大明等

二十四名訊知射中肩甲落馬的就是曾芝秀

並於賊屍內認出僞總兵劉昌武何添祥僞先

鋒周貴金三名奉

上諭兩次勝仗俱係長齡之功著交部議敘等因欽此
三月二十九日會

奏臣帶兵抄至關山地方是日雲霧瀰漫咫尺不

能見人探知王曾大股現在太平寨山下屋內
做飯當派官兵掩旗先進迎頭截殺立斃三十
餘人分投截擊又斃七十餘人生擒二十四名
該匪等負嵎拒守霧雨愈大不能仰攻臣率兵
由右手司馬岡山梁前進行至山頂乘勢下壓

斃賊六十餘人追趕十數里擒獲賊匪十二名
四月二十四日會

奏臣探知賊匪屯於火石嶺七里橋黃連坪等處

派兵剿殺行抵界牌埡賊已西走官兵緊追數
里殲斃二十餘人擒獲活賊李大用等四十三
名追至火石嶺與全保會籌分路剿辦奉

硃批覽奏稍慰欽此

五月二十一日叅贊德公楞泰具

奏各路官兵取道東河趕緊瀟渡冒雨趕追樊蒲

兩股賊匪均經獲勝其蒲天寶賊股東竄羅溪
河亦經冒雨進攻立斃一百餘人生擒吳天光
劉允禮一百四十七名奉

上諭長齡於瀟過東河時因水勢溜急人馬滑倒沖下
灘口經侍衛富翰等竭力救援得以無恙欣慰之至
此次長齡遇險獲保安全實伊之福著賞給白玉大
吉祥葫蘆牌一塊四喜玉搬指一個以誌吉祥長齡
當益感勵也等因欽此具摺謝

恩奉

硃批勉益加勉成功受賞指日矣欽此

二十八日叅贊德公楞泰具

奏官兵冒雨趕剿樊會賊股淹斃極惡元兇樊人
傑首逆曾芝秀殲斃逆子樊隴生擒逆妻王氏
樊會股匪全行掃蕩其王國賢一股賊匪首逆
受傷撲河殲斃逆妻并逆弟樊人禮逆子逆姪
樊虎樊鳳等剿洗殆盡各情形一摺欽奉

上諭覽奏欣慰之至提督長齡自督兵以來屢次克捷
尙屬奮勉上次趕剿賊匪冒雨瀟河墜馬落水此次

復與賽沖阿等分投圍剿出力可嘉著加恩賞給雲騎尉世職等因欽此具摺謝

恩奉

硃批勉力成功受賞不可稍存推卸欽此

六月初一日准叅贊德公楞泰移到承准軍機

大臣字寄奉

上諭前次德楞泰在雞公梁剿賊長齡聞報亦卽督率官兵分路迎剿又殺賊一百餘名均屬奮勇可嘉現在節屆端陽長齡著賞給扇套一個香袋四個並加

賞白玉四喜搬指一個黃瓣大荷包一對小荷包四個以示獎勵德楞泰以蒲逆一股交與長齡接辦長齡得此機會當倍加奮勉若能將首逆蒲天寶殲獲並將此股賊匪悉數剿除捷音一到當立沛恩綸懋加寵錫勉之慎之等因欽此

二十六日帶兵扼截逆匪於老林外之烟墩垭殲斃陳觀潮長子陳宗顯老教師冉文儔之兄冉文海僞先鋒冉起才生擒首逆蒲添寶之妻王氏逆弟蒲添明陳觀潮次媳李氏先鋒井英

之妻何氏旗首探馬何三忠等多名

七月初五日由長春坪抄截蒲添寶大股賊匪
於老林內分投趕勦首夥淨盡並擒斬藍黃白
三號大小頭目多名初七日帶兵向灣腰樹趕
勦由北面抄截二十二日直趨巴東之陳家坡
觀音巖繞向川楚交界之洋溪河一路兜截痛
加擒斬將賊匪截回楚境

二十五日帶兵向房縣之九湖分投趕勦由通
城東進復取道張公橋長春壩由右手包住房

縣之路

八月十三日分兵南行十九日由房縣向五臺
前進探有賊匪兩股小股由珠藏洞東竄大股
逃向黃柏坪二十三日由尖山趕赴黃柏坪相
機抄截

二十八日自保康蔣口帶兵前進痔瘡復發兼
得痢症力疾奔馳又復吐血精力難支不能乘
騎就近於南漳醫治旋蒙

恩准回京調理

十月初十日准叅贊德公楞泰咨奉

上諭湖南等省隨征官兵潛同房縣帶兵將領不能約束本有應得之咎長齡係統領之員與專轄者有間著加恩免其議處等因欽此

二十六日起程赴襄陽調治途次奉到

上諭長齡自應緩程來京如病已稍愈堪以坐辦卽著遵照昨旨暫署提督祇當在署辦理公事不必前赴軍營等因欽此卽於是日同襄陽任事

是年

兄勤襄公擒逆匪王作正等嗣以勦捕日久未
蕝拔去花翎降二品頂戴暫留總督之任十二
月大功告竣

賞還頭品頂戴花翎

八年癸亥四十六歲

二月初一日交卸湖北提督篆務

初三日起程回京

閏二月初四日奉

旨著以提督銜補授京營右翼總兵

三月初七日奉

旨調補京營左翼總兵

四月初二日奉

旨署理正藍旗滿洲鑲黃旗漢軍副都統

五月二十八日奉

旨補授古北口提督

九年甲子四十七歲

十一月初三日奉

上諭安徽巡撫員缺著長齡補授欽此

是年

兄勤襄公薨奉

上諭惠齡著加太子少保二等男爵仍照例賞給卹典
並著伊弟長齡帶伊子桂斌前往迎接准其入城治
喪等因欽此並

派侍郎成書

賜奠諡勤襄

國史有傳

兄長子桂斌襲男爵次子桂芬由貢生捐納筆

帖式

十年乙丑四十八歲

二月初二日抵安徽巡撫任

奏謝奉

硃批汝才幹可用心地亦良善惟恐自恃不容人言又
慮養尊處優耽於逸樂若集思廣益而能決斷不近
聲色每日辦公何愁不治常守朕訓毋忘勉之欽此
三月初三日審明東流縣民朱司直挾嫌誣告
朱海南等賭博並該縣韓藻失察書役詐贓一

案定擬完結

十二日具

奏前奉

諭旨飭查上年混入神武門之僧人了友與逆犯董霖
同縣不無可疑當卽密委候補通判張棟前赴
涇縣確查旋將犯僧了友解省據供了友俗姓
王名湛向住涇縣楊村有妻方氏子谷年乾隆
五十一年因貧將妻賣休伊子係方氏帶往撫
養五十八年赴江寧觀音菴披剃爲僧嘉慶元

年赴揚州梵覺寺受戒以後各處游募與董霖
家相去七十餘里素未相識尙屬可信

四月二十四日

奏謝

頒賞藥錠一匣

五月初三日具

奏查安徽等衛六幫起運新漕前於二月十五日
開行廬州宣州兩幫漕船於三月初三四月初
一等日先後挽運出境臣以池州等幫尙未全

出安徽省境恐幫船藉稱受兌採買米石任意

逗遛維時

臣

校閱江北各營在定遠途次卽委

令署中軍叅將劉萬邦安慶營守備陳明飛赴

各幫督押催償並嚴飭押運員弁及沿江各屬

催令上緊償運前進旋具報池州幫船於四月

初九日出境已抵江寧至安慶前後兩幫及寧

太幫船均于四月十九日出安徽省境約計各

幫漕船此時均可全數過淮

臣

查安徽省採買

米七萬石早已購辦足數該四幫船隻距兌漕

水次遠近不一並有採買由陸路運至水次者
三月內陰雨日多挑運遲滯而廬州宣州兩幫
停泊兌漕之所卽係產米之區運交易便是以
出境較早此係實在情形現奉

諭旨垂詢斷不敢稍有迴護奉

上諭此係要務不可忽視嗣後當留心欽此

二十七日具

奏查將領備弁已屆二年半舉劾之期現在逐一
秉公考察如有年力就衰技藝平常者卽行劾

叅斷不敢稍徇情面奉

硃批今之大吏貪者少而疲者多沽名者多實心者少
汝初任封疆不可因循貽誤實力振作有爲勉之欽
此

六月十八日覆

奏阜陽縣民張效元並無不法一案定擬完結

同日又

奏審辦蒙城縣民武方遠等捏撰菩薩臨凡歌詞

圖騙飲食一案定擬完結

閏六月初九日

奏謝領到

欽定熙朝雅頌集一部

又

奏審擬旌德縣職員劉奏許告知縣延庚相驗不
實一案定擬完結

十二日

奏謝領到

御製勤政殿記墨刻一分

二十二日

奏叅疎脫逆倫重犯之靈璧縣知縣茹紹基請

旨革職

二十七日

奏拏獲阜陽縣民謝敦詩糾約河南固始縣人洪

仁修等放火焚燒馬鳳房屋並砍扎王起濬一

案論如律

七月十三日

奏和州民人陳明玉誣控廣德州民蔣明聰等謀

死伊叔陳洪元強占伊孀張氏一案定擬完結

同日又

奏川省運米委員原光鶴交卸回空遭風溺斃奉
上諭長齡奏原光鶴奉委運送川米回途遭風淹斃
於公事情殊可憫著交部照例議卹欽此

八月初七日

奏審明阜陽縣民陳敬修誣控該縣勒折漕糧凌
虐罪囚一案定擬完結

九月初四日奉

上諭據長齡奏懷寧鳳陽等州縣被水被旱各情形懇
恩分別緩徵著加恩將被災之懷寧銅陵無爲鳳陽
懷遠定遠壽州鳳臺宿州靈璧和州泗州盱眙天長
五河十五州縣民衛田地應徵本年新舊錢糧漕米
及蘆課津貼等款均緩至來年秋成後分別徵收長
齡務當督率屬員認真辦理以期實惠及民毋任吏
胥滋弊用副朕軫念災區至意欽此

二十八日奉

上諭著照長齡所請將鳳陽鳳臺五河懷遠壽州泗州

天長七州縣被水被旱處所無力農民加恩賞給一
月口糧其桐城潛山蒙城三縣低區高阜歉收之處
本年應徵新舊錢糧漕米蘆課津貼等項均著加恩
緩至來年秋成後啟徵欽此

同日又奉

上諭著加恩照長齡所請將全椒一縣嘉慶五七九
等年被水被旱田地緩徵各項錢糧漕米並宣城南
陵貴池蕪湖繁昌廬江等六縣嘉慶五七九等年被
水被旱田地緩徵地丁漕糧漕項驛站蘆課並省外

衛屯折及出借籽種等款糧米自來年秋收後起分
限三年帶徵望江青陽東流當塗等四縣嘉慶七九
兩年成災及勘不成災田地帶徵各項銀米自來年
秋收後起分限二年帶徵其各該衛屯田悉照坐落
各縣一律辦理欽此

十月十九日具

奏石埭縣於嘉慶七年秋間地方被旱四鄉共十
三都知縣韓海因人多擁擠未及確查當令戶
書徐德音開記名單籠統計筭共請領賑銀六

萬一千三百七十三兩零迨至設廠散放草單
內刪除重複多餘銀五千三百三兩零又次年
加賞極貧一個月韓海照正賑內極貧銀數減
半給領銀二萬一千兩後按戶點放亦多餘銀
一百三十九兩零計共多領賑剩銀五千四百
四十二兩九錢七分五釐報司有案該縣民人
未悉加賞口糧只給極貧之戶次貧不應給賞
疑爲官吏侵扣有施義富領過次貧正賑口糧
次年未領加賑心懷不服經前任藩司邵洪前

赴該縣挨戶逐查均係按名散給並無遺漏剋減應請免議

十一月初二日具

奏合肥縣民王坦向賣糧食復充鹽快後被同邑馬文奎毆斃報縣詳緝該令左輔於文內止敘販賣糧食爲生未將現充鹽快緣由聲明被王坦之妻控經前任安徽巡撫王汝璧將左輔革職查王坦被馬文奎等毆斃並非私梟拒捕又非鹽快殺人卽使於詳內聲明王坦爲鹽快叅

緝處分例不因此加重左輔尙無規避取巧重
情應請開復原官後左輔爲賢員官至湖南巡
撫

初八日奉

上諭昨已降旨將長齡調補山東巡撫長齡接奉此旨
卽馳赴山東新任接印任事欽此

二十五日具

奏臣於十一月十九日交卸安徽撫篆起程前赴

山東新任二十四日廬州途次接據南平廳同

知陳洪緒稟報宿州蒙城接壤之余家莊等處有匪徒樊牛余連等勾結燒香斂錢聚衆因村隣欲首起釁爭闕卽經查拏余連等聞信將莊焚毀逃至蒙城縣豐家集樊名揚等家藏匿現拏獲余勇等九名訊供勾結斂錢不諱

臣當卽

星馳前往一面飛咨督臣鐵保護撫臣鄂雲布並札飭鳳陽潁州二府密速查拏茲於二十五日臣馳抵定遠途次接據潁州府知府樊士鑑稟報蒙城縣拏獲樊牛余勇先二犯又據署鳳

陽府知府宋思楷等稟稱該匪等在汪家莊放
火劫掠仍回豐家集一帶藏匿已帶兵役前赴
圍拏等語查該匪等膽敢聚眾焚劫實堪痛恨
該處毘連各縣與豫省接壤勿使竄入豫境最
爲緊要當經飛咨豫省並飭各州縣營汛嚴堵
截拏臣卽由鳳陽宿州取道前赴該縣豐家集
會同查辦奉

上諭此事長齡馳往蒙城駐劄督辦不必卽赴山東如
此案業已捕獲淨盡則已設尙未淨盡總當嚴密防

堵杜其竄往豫省之路其現獲之樊牛及余勇先二犯並此外所獲各犯卽著長齡在蒙城就近審辦不必解交鐵保辦理致涉疎虞儻業經起解在途務當飭令押帶之員小心管解不可大意欽此

十二月初五日會

奏匪犯余連等佔踞亳州公紀寺賀家莊楚店集郝家大莊攆逐居民搶刼牛馬並豎立黃藍旗幟負嵎盤踞抗拒官兵當卽飛咨豫省於要隘處所嚴密防堵

臣聞信馳往督同鎮臣喜明德

成額於十二月初二日寅刻發兵辰刻分南北
兩路抄進賊匪執持槍械出莊抗拒勢甚兇悍
官兵奮力衝殺相持半時之久復用排槍進擊
立斃二百餘名又拋擲火毬燒燬賊窩焚死四
百餘名各匪潰亂官兵鼓勇直前刀砍矛戳斃
賊七八十名餘匪捨命奔竄臣等督領馬隊四
面追截沿途殺死百餘名餘俱丟棄刀矛跪地
乞命隨即捆縛帶回並經入莊搜獲五十餘名
搶奪刀矛旗幟四百餘件牛馬三十餘頭該處

一帶平陽可以遠望目擊並無一名漏網隨於
獲賊內認出教首李朝士盛朝望樊三等又於
已死賊匪內認出首逆余連盛朝凡劉茂修等
除安撫被難良民咸使歸業督飭文武員弁再
行逐細搜查不使稍留餘孽分別辦理奉

上諭據鐵保等奏長齡督同喜明德成額帶兵分路進
剿賊匪殲斃七百餘名搜獲五十餘名首逆余連等
均已殲斃教首李朝士盛朝望樊三及餘匪八十餘
名俱就擒縛並無一名漏網長齡督兵圍剿迅就撲

減所辦甚屬可嘉長齡著加恩交部照軍功例從優議敘欽此

又奉

上諭據鐵保等奏宿州逆匪掃數殲擒一摺辦理尙爲妥速已降旨將長齡等分別加恩矣另發去御書福字一方玉帶扣一件四喜玉搬指一件大荷包一對小荷包二個著賞給長齡此時地方業經安堵長齡現已無事即可馳赴山東新任仍遵前旨於明歲春夏之間再行入覲欽此

十二日會

奏臨陣生擒匪犯二百三名內有供稱被脅尙須
細加審証各犯先行派委兵役解赴宿州臣起
身來宿親提嚴訊緣劉茂修籍隸蒙城向習白
蓮教南平廳屬之余瞎子卽余勇先賣卜爲業
曾言劉茂修命大貴劉茂修遂潛蓄逆謀勾黨
授徒妄造無量壽佛求家鄉老母大發慈悲等
咒語稱係老祖師所傳並不說明姓氏余瞎子
以十一年正月初一日大雪卽可動手劉茂修

卽私設僞職封樊士揚李朝士爲都督余連爲
侯爵余瞎子蔡同印爲軍師盛朝凡吳景山爲
總管紀四爲元帥派王修德馬恩義趙恂余山
領兵劉朝貫樊二樊四余勇余松督陣王樸爲
先鋒余連遂賤售地畝打造軍器宿州知州熊
載南平同知陳洪緒會同拏獲邱德欽等九名
余連等遂焚燒莊房攜眷逃往蒙城縣盛家莊
並告知劉茂修事機已露復與余瞎子商議以
本年逢閏臘月初一卽筭正月諸事皆吉遂決

計先搶亳州再赴河南復令樊名揚余連柴士
信盛朝望余勇半截甕卽徐甕張相魁江敬禮
馬蟠張仁等先赴亳糾約夥黨購買火藥並留
人作爲內應又令樊平育頂樊名揚姓名與余
瞎子隨同巡查差役進城分辯爲掩飾之計一
面約至豐家集會齊余瞎子等被蒙城拏獲樊
名揚不敢進亳州城卽另赴別處糾約余連等
仍回盛家莊向蒙城奔竄路過汪家集汪學位
想起劉之協犯案時汪貫曾作線訪拏遂放火

焚莊報仇至豐家集屯住經兵役前往捕拏劉克已率衆抗拒中槍身死劉朝貫等三十二名俱被擒獲維時劉茂修糾約夥黨千餘人盤踞公紀寺並逼脅良民喂馬做飯至賀家大莊值天雨卽佔踞民莊製造旗幟令箭等物初二日大兵齊集四面進剿劉茂修等執旗督陣號召夥黨分投抗拒經官兵槍箭齊發並拋擲火彈焚燒莊屋劉茂修等俱被打死始各潰亂向東南奔竄又經官兵追剿殲斃多名其餘俱被生

擒此該匪等起意謀反官兵勦捕情形也各犯供稱實係白蓮邪教起意謀逆罪大惡極雖首犯劉茂修已被官兵殺死仍應剉屍梟示余瞻子李朝士盛朝望余勇卽王得成紀四劉朝貫等六名均凌遲處死梟首示衆並遵

旨出示曉諭民人此番止辦滋事匪徒其平時曾經習教者並不追求惟當自行改悔安分以保身家勿被誘惑臣於拜摺後卽起身赴任惟樊名揚卽樊牛爲傳教起事之犯前此蒙城所獲樊牛

訊係樊平育頂冒是樊牛一犯尙未就獲奉

諭着馬慧裕長齡一體飭屬嚴拏毋任渠兇漏網欽此
二十日抵山東巡撫任具摺

奏謝奉

硃批實心勉力毋耽安逸矢心清正必能永受朕恩勉
之欽此

同日覆

奏蒙宿滋事各犯樊二樊四余松盛朝望半截甕
卽徐甕等俱係生擒余勇江敬禮張仁係亳州

拏獲均經正法王樸張相魁二名業已臨陣殲
斃馬蟠一名據各犯供稱被劉茂修將伊及家
口一併殺斃余勇前被拏獲時捏名王得成後
經衆犯質出真名供認不諱是此案內惟樊名
揚柴士信二名先經脫逃未獲其餘並無一名
漏網臣等前次會奏未能聲敘明晰致蒙
垂詢不勝惶悚之至

同日

奏謝領到

御製盛京頌墨刻一分

是年子桂輪赴湖南娶候補知府錫公齡之長

女和舍哩氏

十一年丙寅四十九歲

正月二十八日

奏謝領到

太宗文皇帝辛巳歲大破明師於松山書事墨刻一分

二月初六日具

奏審明鉅野縣捕役盧德主使毆傷程坤程慶並

用槍拒傷楊克儉一案定擬完結

十七日

奏叅相驗不實草率定案之蒲臺縣知縣孫悅祖
革審

二十二日具

奏審明荷澤縣民田訓因觀劇被躡身死並單縣
童生魏震等先在戲場與李位莊爭毆等案定
擬完結

同日

奏自省起程由泰安沂州兗州曹州壽張東昌臨
清高唐德州等營及德州駐防兵丁以次校閱
奉

硃批亳州一戰平賊則安省之營伍可觀皆汝之力今
山東亦應加意訓練况齊人強壯倍於安省更容易
操練勉之欽此

同日

奏節省銀兩既經定有章程必須實力彌補請自
本年爲始儻有挪動新徵作爲節省者卽以侵

蝕庫款指名叅辦奉

硃批甚是不可姑息欽此

三月初九日具

奏查明微山湖誌椿定例收水一丈二尺本年二月初四日開放湖口大壩照例敞放三晝夜鋪灌運河黃林莊所立誌椿已鋪足五尺定數計湖水消去五寸實存水一丈七寸五分現經下板仍留漫板水二尺八寸湖水啟放之後經過八閘計程四百餘里始至楊莊口門閘內長塘

各河一律深通二月十八日以後幫船暢行無阻閘外淤淺處所亦俱撈挖水勢至淺者亦有三尺餘寸足資浮送奉

硃批實力妥辦總期漕運無阻爲要欽此

十九日德州途次

奏請將范縣營守備移駐鉅野並濮州朝城觀城等汛撥歸曹州營管轄單縣城武金鄉各汛撥歸鉅野營管轄至鉅野把總卽移駐范縣改爲范縣汛把總仍隸曹州營其鉅野應添兵丁卽

於范縣營額內減撥

五月初二日具

奏嶧縣等處近水卑濕之區間有蝻子出土高粱
雖有傷損尙可補種現在趕緊撲滅以期淨盡
初七日訊明青州駐防佐領斐伸酷責步甲一
案定擬完結並請遵

旨審明此案後於五月內來京十二日欽奉

上諭東省地方雨澤尙有未盡沾足之處且嶧縣間有
蝻子出土曾否撲滅淨盡事關民瘼正當駐省隨時

體察督飭經理長齡此時且不必來京卽業經起程於何處接奉此旨卽著回省任事俟六七月間再來陛見可也欽此

六月初七日奉

上諭本年湖河異漲應備堵閉各壩及樓護堰盱石隄各工俱關緊要必須於秋汛期內趕辦完竣所需料物自應於鄰近省分寬爲籌備著長齡卽照徐端所奏將協濟料物如數購辦運往俾資搶護欽此遵卽照辦協濟料二百堆

七月二十五日具

奏東境河水盛漲曹汎一帶工程緊要

臣

現在馳

往防護俟各工平穩再行赴京請

訓奉

上諭於防河完竣後仍俟回空幫船全數挽出東境計
彼時朕已回蹕正屆萬壽之期再行來京覲對亦不
爲遲欽此

十月初十日入都疊蒙

召見遵

旨回任

十二年丁卯五十歲

三月二十九日奉

上諭汶河因上年煞壩較遲宣洩過多兼之冬春雨雪
愆期泉流不旺此時固須疏治泉源尤宜虔祈甘澍
著長齡一面飭屬上緊挑濬一面設壇齋宿於附近
名山大川虔誠籲禱以期速霽醴膏不惟河水藉資
挹注田疇亦得滋培一得透雨卽著由驛馳奏欽此
遵卽查明淤淺處所多募人夫上緊撈挖疏濬

泉源於四月初七日前往

泰山祈禱初十日省城得雨

五月初七日具

奏查勘四女寺支河在哨馬營上游一經挑挖深
通卽可宣洩伏秋盛漲自應先行估辦其哨馬
營減水壩不甚喫緊暫從緩修至四女寺迎水
石壩現值糧船緯道經由亦應俟回空過竣再
行拆卸修築奉

上諭均著照所奏辦理欽此

二十一日接准部咨五月十八日奉

上諭陝甘總督員缺著長齡補授接奉此旨卽將山東巡撫印務交藩司楊志信護理速行起程來京陛見後再赴新任欽此

二十五日平原途次接到家信准禮部傳知恭逢

高宗純皇帝實錄告成以會充提調官欽奉

賞賜緞紗表裏銀兩等件遵領

奏謝

六月初二日到京

初五日

陛辭出京十七日行次山西徐溝縣道

旨馳驛前往蘭州察探西寧賊番情形如剿辦尙在費
手卽馳赴該處會同寧夏將軍興奎西寧辦事大臣
那彥成熟商妥辦二十六日行次西安受暑成痢致
發痔漏暫住調治

七月初九日力疾起程十二日行抵甘肅涇州
接受陝甘總督關防具摺

奏謝奉

硃批實心勉力永承恩眷慎勿自滿爲要欽此

二十日馳抵蘭州具

奏

臣

從前隨福康安赴藏取道西寧訪知番性貪

而多疑日以剽掠爲事搶掠蒙古牲畜得利卽
散蹤跡無常甚且同類並凌從不能聯爲一氣
細閱同興近日奏摺稱該處寒霜徧凍兵多受
瘴患病揆度情形非目前所能竣事

臣

實屬焦

灼定於二十三日自省起身俟到營後會同悉

心商酌并令各營趕製皮棉衣褲彙送軍營以爲兵丁禦寒之用

二十九日行至西寧卽由貴德一路出口至多格賴瑪軍營

八月十九日自乜爾窪軍營具

奏查沙卜浪地方番子共有六族一沙卜浪一納加一卸加一可納一別盆一垛格此次官兵四面分布緊逼賊巢先用槍礮轟擊分路衝入賊番四散奔逃滾巖跌斃者不計其數巢穴土房

五百餘間全行燒燬追至初果戎地方兩旁均
係大山有騎馬賊番佔據官兵一湧撲上槍斃
穿紅衣賊首一名生擒三十九人內有槍斃都
司吳順之賊目班珠爾貢格二名及從賊蒙古
十一名當經分別懲割正法奉

硃批甚是欽此

二十五日達木垭軍營具

奏番賊等被官兵痛剿之後勢已窮蹙十六日由
初果戎地方分派提督百祥格布舍等帶兵自

南搜捕總兵蕭福祿等自北搜捕於林木深處
遇有番賊奔逃官兵直前殲斃五人生擒十六
人次日至葉什沖堽口見密林中露有烟火官
兵衝入於土窟內搜獲男婦四人均係沙卜浪
野番一併正法二十日沙卜浪番目桑爾吉等
三人懇求葉什沖喇嘛帶領至營懇請投誠臣
等嚴加駁斥該番目又復苦求臣思野番性類
犬羊反覆無定若不多爲留難恐啟輕視之心
因令其將平素敬信之喇嘛諾爾布傳喚到營

眼同頂經發誓方許悔罪

九月初四日具

奏初一日尖木贊昂貨帶同喇嘛諾爾布並頭目
完木古等同來大營乞命以後再不敢犯法齊
聲痛哭伏地不起察其情詞實屬真切當經宣
諭免其一死隨令諾爾布帶同該頭目等卽在
大營頂經發誓初三日又令延嘉胡土克圖等
至葉什冲寺令各散番發誓具呈悔罪甘結此
次該番賊孽由自作罪不容誅調兵八千名

發帑三十萬凡四閱月斬馘千餘人收獲牛羊十餘萬來營乞命者四十餘族威稜旣振邊塞肅清官兵現已全撤奉

旨交部從優議敘

十二日自貴德覆

奏遵

旨查明尖木贊於六月二十八日來至甘壩大營天色已晚貢楚克扎布正在帳房籌商進剿沙卜浪之事因尖木贊不肯進營領賞疑其反覆無常

卽欲乘夜擒拏二鼓派令百祥等領兵潛往掩
捕人馬踏冰渡河夜靜有聲遂爲尖木贊知覺
乘夜逃逸並未有抗拒官兵情事此次來營投
首感發出力亦係真心已仍令其勉力當差

二十一日途次西寧具

奏查番子遇強卽畏遇弱卽掠不知禮法若多立
規條仍不能盡悉茲籌議善後章程一黃河北
岸宜撥兵駐守往來巡查以臻嚴密一嚴禁通
事人等私入番地以免勾結一嚴諭各寺喇嘛

不准與番子念經以生其愧悔一蒙古戶口丁數宜切實稽查以便稽核一循貴兩廳應請不拘旗漢人員以便易於得人奉

旨如所議行惟嚴諭各寺喇嘛不與番子念經豈不阻其向善之心而堅其爲惡之意此一條毋庸置議

二十七日起程回省

十月初八日

奏謝領到

御製新兵二十韻墨刻一分

又同日具

奏校閱西寧大通鎮協各營伍

十九日武闡試竣

二十二日具

奏甘省倉儲不敷估撥酌請採買糧十七萬二千
餘石懇撥銀三十三萬兩

十一月初七日具

奏校閱固原提屬營伍奉

硃批嚴講紀律尤要平時精銳見敵退避何益之有去

年之事可爲鑒戒欽此

二十二日具

奏查閱寧夏滿漢營伍技藝奉

硃批訓練營伍爲最要之事勉之欽此

十二月初六日具

奏查閱莊浪各營官兵完竣於初三日回省初五日校閱督標官兵請將弓馬平常之備弁分別革責該管副將交議

同日具

奏請將本年年終密考緩期奉

硃批甚是遲奏何妨總宜切實欽此

十三年戊辰五十一歲

正月初八日

奏謝領到

御書福字及鹿肉野雞等件

十八日具

奏青海辦事大臣管轄地界遼闊從前舊制駐劄
西寧原以該郡城爲各路適中之地控制較爲

得力請仍循舊制奉

上諭所議是欽此

二月初五日具

奏請將臯蘭靖遠安定涇州平番等五州縣上年
被災極次貧民展賑一月口糧河州等處州縣
附近災區貧民酌借籽種口糧

初八日具

奏寧陝地方僻在萬山之中始以賊匪竄入南山
駐兵控制繼復請設重鎮急募士卒充補標營

時因教匪將平遂以鄉勇改作新兵取效一時
迨平賊歸鎮驕縱性成妄思不逞遂有寧陝叛
匪之事現在山境靜謐居民安業似無須多兵
聚集轉滋擾累請將寧陝鎮總兵移駐漢中其
裁汰步兵五百六十四名缺出停募移撥兵一
千一百五十名糧餉米折一切照舊裁汰副將
叅將都司各一員守備二員千總四員把總六
員經制外委三員額外外委四員其漢中鎮標
各營官弁應請裁移就近改隸以資控制毋庸

卷一
增添所有營地分糧准按時值變價分給若各
兵願往支領本色亦聽其便應分糧數一律勻
攤至寧陝廳城毋庸另建移撥兵丁毋庸添建
兵房再於現裁步糧節省銀兩酌撥疲累營分
以資調劑

二十日具

奏起程校閱甘涼肅一帶營伍

三月十七日回省辦理秋審事件

五月二十六日具

奏黃河水勢驟長二丈有餘波濤洶湧臯蘭縣所屬沿河南岸之大雁灘東崗鎮等處村莊地畝田禾房屋均被水衝人口存活者俱攀棲樹杪實屬大災現已親赴河干勘辦宜請趕發初賑其金縣等處一律賑卹新舊正借錢糧草束一體緩徵

九月初三日

奏回藏堪布被賊番聚衆搶奪遵

旨令總兵特依順保添派兵丁四百名馳赴都司于文

瑤一路帶同上緊查緝惟被搶地方距果羅克道路遠近夷險無人知悉邊外窮山冷瘴不日大雪載途不值以一旅之師深入番界奉

上諭就近移咨勒保等嚴密確查相機酌辦可也欽此
初六日具

奏詢據朱棟辦理山東藩司衙門書吏蘇芝芳冒領糧照一案逐款登答並無授意改輕罪名抑勒情事與張鵬昇所稟互異朱棟自請解任赴東質訊

十一日具

奏黃河冰橋結凍後派撥官兵來往梭巡原因番族甫經懾服爲蒙古稍壯聲勢惟蒙古怯懦無能若祇令自爲防守恐又啟野番窺伺之心請仍照上年章程辦理奉

上諭此次姑照所請行嗣後仍著察看情形逐年漸次減撤欽此

二十八日具

奏于文瑤中途患病並不另請派員護送致有番

卷一
三
賊搶奪之事賊匪見官兵追趕將堪布物件均已交還惟堪布等包攬客貨未經歸出任意誑報浮開已屬不實且在口外包攬貨物至八九千馱之多是違例包攬官兵豈能代爲查尋此時亦不必深究奉

旨移咨駐藏大臣分別辦理嗣後酌立限制以杜欺冒
滋擾欽此

十四年己巳五十二歲

正月二十五日奉

上諭長齡現有應訊事件著革職在蘭州候旨欽此
是日交卸陝甘總督印務

四月初三日奉

上諭長齡前在山東巡撫任內失察屬員私借司庫養
廉辦差未經叅奏著發往伊犁効力贖罪欽此

七月十五日到伊犁

十月二十八日接奉

上諭長齡著賞給藍翎侍衛補授科布多叅贊大臣欽
此

十二月二十四日抵任

是年子桂輪承襲雲騎尉世職

十五年庚午五十三歲

十月初七日接奉

上諭長齡著賞給三等侍衛調補烏里雅蘇臺叅贊大臣兼署將軍印務欽此

十五日抵任

是年子桂輪補授

鑾儀衛整儀尉